



Халқ сўзи

Ўзбекистон –
келажаги
буюк
давлат

2026 йил – МАҲАЛЛАНИ РИВОЖЛАНТИРИШ ВА ЖАМИЯТНИ ЮКСАЛТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2026 йил 22 май, № 103 (9274)

Жума

Сайтимизга ўтиш учун QR-коднинг телефонингиз орқали сканер қилинг.



ЕХХТ БИЛАН КЎП ҚИРРАЛИ ҲАМКОРЛИК КЕНГАЙТИРИЛАДИ

Ўзбекистон Республикаси Президенти Шавкат Мирзиёев 21 май куни мамлакатимизга расмий ташриф билан келган Европада хавфсизлик ва ҳамкорлик ташкилоти бош котиби Феридун Синирлиўғлуни қабул қилди.



Учрашувда ЕХХТ билан иқтисодий-экологик, сиёсий ва гуманитар соҳалардаги ҳамкорликни янада ривожлантириш масалалари муҳокама қилинди.

Очиқ ва конструктив мулоқот юксак даражага чиққани, Ўзбекистоннинг ЕХХТ ва унинг тизимидаги институтлар билан ҳамкорлиги изчил мустақамланиб бораётгани мамнуният билан қайд этилди. Ташкилот раҳбарияти Ўзбекистонга ташрифларни мунтазам амалга оширмакда, ЕХХТ ДИИХБ миссиялари мамлакатимизда сайлов жараёнларини мониторинг қилишда фаол иштирок этмокда.

Трансмиллий таҳдидларга қарши курашиш, суд-хуқуқ тизимини ислоҳ қилиш, гендер тенгликни илгари суриш, инсон ҳуқуқларини ҳимоя қилиш ва оммавий ахборот воситаларини ривожлантириш соҳаларида амалга оширилаётган қўшма лойиҳаларнинг натижалари алоҳида қайд этилди.

Томонлар кибержиноятчиликка қарши курашиш, рақамлаштириш ва сунъий интеллектни ривожлантириш, кадрлар малакасини ошириш, ёшларни қўллаб-қувватлаш ҳамда “яшил” кун тартибини илгари суриш каби устувор йўналишларда ҳам ҳамкорликни янада кенгайтириш зарурлигини таъкидладилар.

Ҳамкорлик бўйича янги “Йўл харитаси”ни тайёрлаб, Ўзбекистонда ва ЕХХТ доирасида бир қатор қўшма тадбирларни ўтказиш бўйича келишувга эришилди.

Минтақавий ва халқаро кун тартибининг долзарб масалалари юзасидан ҳам фикр алмашилди.

Ўзбекистон Республикаси Президенти Матбуот хизмати сурати.

ЎЗБЕКИСТОНЛИК ҲАЖ ЗИЁРАТЧИЛАРИГА БАРЧА ШАРОИТ ЯРАТИЛГАН

Президент Шавкат Мирзиёев Ўзбекистон мусулмонлари идораси раиси, муфтий шайх Нуриддин Холиқназар билан телефон орқали мулоқот қилди.

Сухбат муборак Қурбон ҳайити арафасида, юртдошларимиз Ҳаж амалларини адо этаётган кутлуг кунларда бўлиб ўтди.

Давлатимиз раҳбари муфтий ҳазратлари орқали муқаддас Макка шаҳрида бўлиб турган барча ҳожиларимизни Қурбон ҳайити билан самимий табриклаб, уларнинг элу юртимиз тинчлиги, халқимиз фаровонлиги, ёшларимизнинг бахту саодати йўлида қилаётган эзгу дуо ва илтижолари қабул бўлишини тилади.

Таъкидланганидек, кейинги йилларда Янги Ўзбекистонда ҳар йили 15 минг нафардан зиёд ватандошимиз муборак Ҳаж сафарига бормокда. Бу йил яна бир хайрли ташаббус амалга оширилиб, Ватан ва халқ манфаати йўлида сидқидилдан хизмат қилган меҳнат фахрийлари, уларнинг оила аъзолари, маҳалла фаоллари, нуронийлар ҳамда кам таъминланган оилалар вакилларидан иборат 100 нафар юртдошимиз илк бор давлат ҳисобидан Ҳаж сафарига юборилди.

Президентимиз зиёратчиларимизнинг саломатлиги ва кайфияти ҳақида сўради, ибодатларни бажариши учун ташкилий ишларнинг бориши билан қизиқди.

Муфтий шайх Нуриддин Холиқназар Макка ва Мадина шаҳарларида зиёратчиларимиз учун барча зарур шарт-шароитлар яратилаётгани, ташкилий ишлар уюшқоқлик билан ўтаётганини таъкидлади. Бундан қалбида шукроналик ҳисси жўшган юртдошларимизнинг ҳаётларида туриб, Яратгандан мамлакатимиз тинчлиги, халқимиз фаровонлигини сўраб дуолар қилаётганини қайд этди.

Сухбатда мамлакатимизда диний-маърифий соҳада амалга оширилаётган кенг қўламли ислохотлар халқимиз қалби, маънавияти ва маърифатига катта ижобий таъсир кўрсатаётгани айтиб ўтилди. Имом Бухорий мажмуаси, Ислом цивилизацияси маркази, Бурҳониддин Марғинойий илмий-маърифий ва туризм мажмуаси каби ақинда фойдаланишга топширилган масканлар улуг аждодларимизнинг бебаҳо меросини кенг тарғиб этишга хизмат қилаётгани тилади.

Куни кеча Қурбон ҳайитини юртимизда ўзгача файз ва шуқуҳ билан нишонлаш бўйича Президент қарори қабул қилинди. Муборак айёмни нишонлаш билан боғлиқ хайру саховат ва мурувват тадбирлари ҳам амалга оширилади. Жумладан, эҳтиёжманд аҳоли қатламларини қўллаб-қувватлаш, 10 мингдан ортиқ болаларда мураккаб жарроҳлик амалиётларини ўтказиш, 2 мингга яқин оғир касалликка чалинган юртдошларимизни даволаш учун қўшимча маблағлар ажратилади. Масжид ва қабристонларни обод қилишга ҳам алоҳида ресурслар йўналтирилиши кўзда тутилган.

Давлатимиз раҳбари ҳаётда кўпни кўрган, дуоғўй ҳожиларимиз юртга қайтгач, ислом маърифати ва соғлом эътиқодни халқимизга, айниқса, ёшларимизга теран етказишда, маҳаллаларда меҳр-оқибат, ҳамжиҳатлик ва маънавий муҳитни мустақамлашда намуна бўлишлариغا ишонч билдирди.

Сухбат якунида Президентимиз барча ҳожиларимизга салом йўллаб, уларнинг савобли амаллари қабул бўлишини, юртимизга соғ-омон қайтишларини тилади.

Ў.А.

МЕҲР-ОҚИБАТ, САХОВАТ ВА ҲАМЖИҲАТЛИКНИ ЯНАДА МУСТАҚАМЛОВЧИ ТАШАББУСЛАР

Президент Шавкат Мирзиёев Қурбон ҳайити муносабати билан эҳтиёжманд аҳолини ижтимоий-иқтисодий жиҳатдан қўллаб-қувватлаш юзасидан таклифлар тақдироти билан танишди.

Мамлакатимизда инсон қадрини улуғлаш, аҳолини ижтимоий ҳимоя қилиш, жамиятда меҳр-оқибат, саховат ва ҳамжиҳатлик муҳитини мустақамлаш давлат сиёсатининг устувор йўналишларидан бири ҳисобланади. Бу тамойиллар, айниқса, халқимизга хос эзгу ғазилатларни мужассам этган муборак Қурбон ҳайити кунларида янада ёрқин намоён бўлади.

Тақдиротда Ўзбекистон мусулмонлари идораси, Ижтимоий ҳимоя миллий агентлиги, Соғлиқни сақлаш вазирлиги, Иқтисодиёт ва молия вазирлиги, Ўзбекистон маҳаллалари уюмлари ҳамда “Вақф” хайрия жамоат фонди томонидан ишлаб чиқилган таклифлар ҳақида ахборот берилди.

Уларга кўра, Қурбон ҳайити муносабати билан кенг қўламли тадбирларни амалга ошириш назарда тутилмокда.

Жумладан, оғир ва ногиронликни келтириб чиқарувчи касалликларга чалинган 10 минг нафар болада жарроҳлик амалиёти ўтказиш, 2,3 минг нафар онкологик, гематологик ва онкогематологик ташхиси қўйилган беморларни тиббий текширувдан ўтказиш, даволаш ва жарроҳлик амалиётлари, шунингдек, камид 350 нафар беморда жигар ва буйрак трансплантацияси амалиётларини ўтказиш харажатларини қоплаш кўзда тутилган.

Ижтимоий ҳимояга муҳтож болаларни қўллаб-қувватлашга ҳам алоҳида

этибор қаратилади. 8 минг нафардан зиёд етим ва ота-она қарамоғидан маҳрум бўлган болалар ҳамда Ватан сарҳадларини ҳимоя қилиш йўлида қурбон бўлган ота-оналар фарзандларининг омонат ҳисобварақларига 200 доллар миқдорида пул маблағлари ўтказиб берилади.

Бундан ташқари, 500 та масжидда аҳоли учун қулай шароитлар яратиш мақсадида замонавий таҳоратхоналар қуриш, реконструкция қилиш ёки таъмирлаш, шунингдек, жойлардаги қабристонларни обод қилиш ишлари амалга оширилади.

Давлат таъминотидаги оилалар, ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар озиқ-овқат тўпламлари билан таъминланади.

Мазкур чора-тадбирлар “Вақф” хайрия жамоат фондига ажратиладиган 690 миллиард сўм маблағ ҳисобидан молиялаштирилади.

Шунингдек, ижтимоий ҳимояга муҳтож аҳоли тоифалари учун эҳсон дастурхонлари ёзиш, зиёратгоҳлар ва диний таълим ташкилотларида қурбонлик тадбирларини ўтказиш режалаштирилган.

Президентимиз эҳтиёжманд аҳолини қўллаб-қувватлаш, беморларни даволаш ва болаларга кўмак кўрсатиш билан боғлиқ тадбирлар шаффоф ҳамда манзилли ташкил этилиши зарурлигини таъкидлади ва мутасаддиларга тегишли топшириқлар берди.

Ватанимиз мустақиллигининг 35 йиллигига

МИЛЛАТ ТАҚДИРИНИ ЎЗГАРТИРГАН СИЁСАТ

Ўзбекистон ўз мустақиллигига эришганидан сўнг ўтган даврда дунёда қанчадан-қанча мураккаб сиёсий жараёнлар ва иқтисодий нобарқарорликлар юз берди. Шунга қарамайдан мамлакатимизда яратувчанлик кайфияти сўнгани йўқ, кенг қўламли ислохотлар самарали давом этишига тобора ишонч ортиб борапти. Кейинги йилларда иқтисодиётимиз барқарор ўсишда давом этиб, ташқи алоқалар кенгаймоқда. Хорижий инвестициялар оқими ва экспорт ҳажми сезиларли даражада ортиганига гувоҳ бўлиб турибмиз. Бу ютуқлар Президентимиз раҳбарлигидаги оқилона сиёсатнинг амалий натижаси бўлиб, Ўзбекистоннинг келажаққа ишончли қадам ташлаётганининг яққол далилидир.

Бу борада миллий иқтисодиётимизнинг барқарор ривожлантириш даражасига кўтарилишида бюджет ва солиқ сиёсатининг аҳамияти қандай бўлгани, бу борада яқин ўтмишимизда жараёнлар қандай кечганини ҳолисона таҳлил қилишимиз фойдадан холи бўлмайди. Чунки бюджет ва солиқ сиёсати ислохотлар марказида турибди.

Сабаб эмас, оқибат билан...

Мустақилликнинг дастлабки даврида Давлат бюджети барқарорлигини таъминлашда ҳукумат эски шўрча бюджет парадигмасидан халос бўлиши осон кечмади. Ушбу нуқсонли мерос, яъни марказлашган режалаштиришдан қолган “субсидиябозлик” иллати иқтисодиётни сунъий равишда бюджет маблағларига қарам қилиб қўйган эди. Ишлаб чиқариш ва тақсимот тизимининг издан чиққани солиқ базасини емиришда давом этди. Маъмурий белгиланган нархлар-

нинг сақланиб қолиши эса бюджет даромадларининг бозор конъюнктурасига мос равишда шаклланишига йўл бермади. Банк тизими орқали тақдим қилинган самарасиз имтиёзли кредитлар ва субвенциялар молиявий соғломлаштириш ўрнига, аксинча, бюджет камомадини янада чуқурлаштирди. Бундан ташқари, қатъий белгиланган иш ҳақи тизимининг амал қилиши меҳнат унмдорлигини рағбатлантирмас эди. Устига-устак, солиқ назоратидан ташқаридаги яширин иқтисодиётнинг кўрталай бошлаши бюджетни муҳим даромад манбаларидан маҳрум қила бошлади.



Ушбу муаммоларни ҳал этиш катта машаққат ва вақт талаб қиларди. Ўзбекистон мустақилликка эришганига қарамай рубль зонасининг бир қисми бўлиб қолганлиги сабабли, бюджет тақчиллигининг инфляцион таъсирини камайтириш орқали нарх барқарорли-

гига қаратилган мустақил пул-кредит сиёсатини олиб бориш имконияти чекланган эди. Бу эса қандай бўлмасин, мустақил пул-кредит сиёсатини ҳаётга татбиқ қилиш учун институционал ўзгаришларни амалга оширишни талаб этди.

МАМЛАКАТИМИЗДАГИ ДЕМОКРАТИК ЯНГИЛАНИШЛАР ЭЪТИРОФ ЭТИЛДИ

Олий Мажлис Сенати Раисининг биринчи ўринбосари Содиқ Сафоев Европада хавфсизлик ва ҳамкорлик ташкилоти (ЕХХТ) бош котиби Феридун Синирлиўғлу билан учрашди.

Мулоқот

Мулоқотда Ўзбекистонда Президент раҳбарлигида амалга оширилаётган кенг қўламли ислохотлар, давлат институтларини мустақамлаш, яхши кўшничилик сиёсатини изчил ривожлантириш ҳамда Марказий Осиёда барқарор ва ўзаро ишончга асосланган муҳитни шакллантириш борасидаги сазй-ҳаракатлар алоҳида таъкидланди.

Ўзбекистон ва ЕХХТ ўртасидаги ҳамкорликнинг бугунги кундаги ҳолати ҳамда унинг амалий йўналишлари юқори баҳоланди. ЕХХТ томонидан мамлакатимиздаги демократик янгилаНИШЛАР ва очик минтақавий сиёсат қўллаб-қувватланаётгани эътироф этилди.

Шунингдек, Олий Мажлисининг ЕХХТ билан ҳамкорлик бўйича парламент гуруҳи фаолиятига алоҳида ургу берилди. Мазкур формат барқарор парламентлараро мулоқотни қўллаб-қувватлаш ҳамда мазкур нуфузли ташкилот билан амалий ҳамкорликни янада ривожлантиришнинг муҳим механизми сифатида баҳоланди.

Сухбат чоғида томонлар парламент тузилмалари, эксперт платформалари ва қўшма тадбирлар орқали муносабатларни кенгайтиришдан манфаатдор эканини билдирди.

«Халқ сўзи».

